



Bou ons kinders vir môre

Konfirmasie 1

Lestitel: Die “Albury Circle”

'n Ouerhandleiding

Sondagskooltuisonderrig



Liewe Ouer

Welkom by die les oor **Die “Albury Circle”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

| Stap | Aksie |
|------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1. | Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS |
| 2. | <p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Konfirmasieonderwyser indien u ondersteuning vereis of van bogenoemde hulpbronne benodig.</p> |
| 3. | Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê. |



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

| Stap | Aksie |
|------|------------------------------------------------------------------------------------------------------------------------------------------------------------|
| 4 | Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel. |
| 5 | Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry. |
| 6 | Maak vir jouself aantekeninge oor belangrike punte wat jy graag wil onthou. |
| 7 | Verstaan die doelwit van die les, wat deur u kind onthou moet word. |
| 8 | Bied die les vir u kind aan. |
| 9 | Wys vir jou kind die video en bespreek die betekenis daarvan. |
| 10 | Verwys u kind na die aktiwiteit in die kind se werkboek (Ek wil ook ...) |
| 11 | Bid of vra u kind om te bid om sodoende die les af te sluit. |

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

| | |
|-------------------|---------------------------------------------------------------------------------------------------------------------------------------------------------------------------------------------------------------|
| Lestitel | Die "Albury Circle" |
| Lesdoelwit | Die kinders kry 'n bewustheid van die begin van 'n Christelike herlewingsbeweging. Hierdie beweging het die weg voorberei vir die herinstelling van die kerk van Christus met bedieninge en geestelike gawes. |
| Bybelteks | Johannes 5: 39-40 en Johannes 16: 12-13 |

Lesopsomming:

Inleiding:

Vandag hou ons 'n geskiedenisles. Ons gaan ongeveer 200 jaar terug. Ons sal verwys na 'n periode waarin 'n paar Christelike kringe 'n toenemende belangstelling in die Bybel en veral die profesieë oor daardie tyd en die toekoms begin toon. Hierdie les fokus op wat tussen predikante (kerkleraars) en geleerde leke in Engeland en Skotland gedurende die 19de eeu gebeur het. Hierdie mans het byeengekom by konferensies om profetiese geskrifte te bespreek en die Ou Testamentiese profesieë intensief te bestudeer. Hierdie konferensies was bekend as die Albury-konferensies. Terwyl ons leer oor die aktiwiteite van die Christene van daardie tyd, is dit belangrik om die Heilige Gees te erken as die een wat God se planne openbaar.

Inhoud:

Verskeie predikante van die Anglikaanse kerk en ander Christelike denominasies sowel as geleerde leke het gereeld bymekaargekom om Bybelse beloftes te bespreek. Die belangrikste punt van hulle besprekings was die profesieë van die Heilige Bybel oor daardie tyd en oor die toekoms. Hulle was baie geïnteresseerd in uitsprake wat verwys na die wederkoms van die Here en die oordele van God oor die mensdom.

Die mans wat aan hierdie besprekings deelgeneem het, het gereeld by konferensies ontmoet gedurende die eerste week van Advent vanaf 1826 tot en met 1830. Hulle het mekaar ontmoet op 'n plek met die naam Albury, wat 50 km buite Londen geleë is. Hulle het bekend geword as lede van die "Albury Circle". Slegs die laaste byeenkoms in 1830 het in Julie plaasgevind. Hulle het vroeër bymekaargekom omdat daar 'n verslag was oor die wonderwerk van siekes genees en die uitsprake van profesieë in Skotland. Hierdie verslag het gelei tot intense gebede vir die uitstorting van die Heilige Gees. Tot op hierdie stadium het die deelnemers aan die konferensies ooreengekom oor die interpretasie van die profetiese boeke. Hulle het egter nie saamgestem oor die gawes vanuit die Heilige Gees wat in Skotland verskyn het nie. Dit het gelei tot die opbrek van die "Albury Circle".

Hier is 'n paar noemenswaardige leraars en leke van daardie tyd:



Lewis Way was 'n Anglikaanse predikant wat artikels oor Bybelse beloftes geskryf het. Hy het sewe mense genooi vir besprekings in Londen en om die profesieë van die Ou Testament te bestudeer. 'n Vriend (en bankier) van Way, Henry Drummond (wat later 'n apostel geword het), het sy landgoed in Albury aangebied en dit is hoe die konferensies begin het.

Edward Irving was 'n aktiewe predikant in die Londense gemeente van die “Church of Scotland”. Hy was 'n kragtige prediker en het duisende luisteraars gelok.

Destyds het meer mense weer begin belangstel in godsdienstige aangeleenthede. Nie net in Engeland nie, maar ook in ander Europese lande. Mense was geïnteresseerd in wat die Bybel sê oor die profesieë van die tyd waarin hulle geleef het en die toekoms. Mense wat geglo het, het saamgekom om te bid en die Bybel te bestudeer. Die “Albury Circle” was een van hierdie groepe.

Nie alle Christene was dit eens oor al die sake wat bespreek is nie. Dit het duidelik geword dat die meningsverskille te wyte was aan die feit dat die apostelbediening destyds nie beset (aktief) was nie en dat baie van die gawes van die Heilige Gees wat in die vroeë kerk sigbaar was, verlore gegaan het. Om hierdie rede wou hulle bid vir die herbesetting (aktivering) van die apostelbediening en vir die gawes van die Gees.

Deur die Bybel te ondersoek en goed te verstaan wat gesê word, help om geloofsvrae te beantwoord. Jesus het dit genoem toe Hy gesê het dat die Skrifte van Hom getuig: Johannes 5: 39-40

“Julle ondersoek die Skrifte, omdat julle meen dat julle daarin die ewige lewe het; en dit is dié wat van My getuig. En julle wil nie na My kom om die lewe te hê nie.”

Ons moet Jesus aanvaar as ons Verlosser om die ewige lewe te hê.

Jesus het ook volgens Johannes 16: 12-13 aan die apostels gesê:

“Nog baie dinge het Ek om aan julle te sê, maar jy kan dit nou nie dra nie. Maar wanneer Hy gekom het, die Heilige Gees van die waarheid, sal Hy julle in die hele waarheid lei; want Hy sal dit nie uit Homself spreek nie; maar alles wat Hy hoor, sal Hy spreek en die toekomstige dinge aan julle verkondig.”

Jesus het nie sy dissipels alles vertel nie. Die Heilige Gees sou aanhou om hulle te onderrig. Die apostels van daardie tyd het dit ervaar in hul werk.

Afsluiting:

Dit is belangrik vir julle om te verstaan dat daar 'n tydperk in die geskiedenis van die Christendom was toe die apostelbediening nie beset(aktief) was nie. Die gawe van die Heilige Gees kon aan niemand gegee word nie. Dit moes verander. Die lede van die “Albury Circle” het besef dat hulle nodig het om te bid vir die herbesetting(aktivering) van die apostelbediening en die gawes van die Gees.



Wat beteken hierdie les vandag vir ons?

- Dit is goed om kennis te hê van die ontwikkeling van God se werk in ons tyd.
- Die geskiedenis toon die begin van 'n Christelike herlewingsbeweging in die 19de eeu.
- Hierdie beweging het die weg voorberei vir die herinstelling van die Kerk van Christus.
- Die Albury-konferensies het 'n belangrike rol gespeel in die voorbereiding van die weg vir die herbesetting van die apostelbediening en vir die gawes van die Heilige Gees deur besprekings en gebede. Dit het die weg gebaan vir die ontwikkeling van God se werk in ons tyd.

Sommige vrae wat ons kan vra:

1. *Was daar geen apostels vanaf die tyd van die Nuwe Testament tot die 19de eeu nie?*
Nee. Daar is geen historiese bewyse dat die apostels gedurende die tyd tussen die einde van die Nuwe Testament (die vroeë kerk) aktief was tot die tyd toe die lede van die "Albury Circle" die behoefte erken het om te bid vir die herlewing van die apostelbediening nie.
2. *Is die lees van jou Bybel alleen nie goed genoeg om waardig te word nie?*
Dit is belangrik om jou Bybel te lees, want dit help jou om God se plan vir die mensdom te verstaan. Geloof in Jesus as ons Verlosser te glo, navolging van sy belering en die genade van God is nodig om waardig te wees vir die wederkoms van Jesus.
3. *Wat is God se wil?*
God wil hê dat alle mense (die mensdom) gered moet word. God wil sy werk voltooi.

'n Gebed vir Pappa en Mamma om voor die les te bid:

Almagtige God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om U wil te doen

Sodat ons nader aan U groei

Stuur Jesus om ons te kom haal

En mag ons gereed wees om Hom te ontmoet

Amen